

武平一 鄭國忠 許景先
權若訥 靳恒 宋務光
王觀 張廷珪 韋虛心
席晉 呂元泰 裴子餘
張景源 劉穆之 蔣欽緒

竹居跋廬

全唐文 卷二百六十八之二百七十

張	席	王	韓	武
景	普	叔	嘉	平
制	若	張	新	鮮
明	元	五	姓	國
之	本	姓	姓	生
蔣	榮	書	官	新
敬	子	唐	務	景
緒	敬	四	先	先



竹居跋

全唐文
卷一百六十九

欽定全唐文卷二百六十八目錄

武平一

東門頌并序

請抑損外戚權寵并乞佐外郡表


請追贈杜審言官表

諫大饗用倡優媒狎書

處親權猜間對

徐氏法書記

鄭國忠



謝尚方監表

許景先

奏停賜射疏

唐朝議大夫行聞喜縣令上柱國臨淄縣開國男
于君請移置唐興寺碑

權若訥

請復天后所造諸字疏

靳恒

請勤政事疏

宋務光

諫開拓聖善寺表

洛水漲應詔上直言疏

請減滑州封戶疏



欽定全唐文卷二百六十八

武平一

平一名甄以字行潁川郡王載德子武后時隱嵩山修浮
圖法屢召不應中宗復位平一方居母喪迫召爲起居舍
人丐終制不許景龍二年兼修文館直學士遷考功員外
郎元宗立貶蘇州參軍徙金壇令平一見寵中宗時雖宴
豫嘗因詩頌規誠旣被謫而名不衰開元末卒

東門頌并序

東門者前刺史平陽崔公庭玉今長史京兆韋公敷先司

馬北平陽公洽郡縣寮佐所勑構也聞乎信所以守物義
所以建利因時制事事無其憾以欲從人人安其業夫如
是則有訓有典可愛昔惠渠旣通時歌樊陵之美學
堂爰設俗賴文翁之化徵名校實我固有焉使君名璵字
庭玉生稟殊操體含中和性達心敏長材不器故經之以
恭儉溫良緯之以貞直忠肅政事文學弱冠有聲解褐授
署州參軍秩終恥屑就卑位從刺史辟或出入燕魏周遊
關河用晦過光垂二十載博陵公崔元暉之居冢司也聞
而命焉授幽州戶曹參軍都督右僕射唐公大將軍薛公

並引置幕府俾司軍事屬北胡憑踐東夷寇虐邊飛羽檄
堂施樽俎公戮力悉心剖綜條暢以清幹著稱爲巡察使
御史張希元所薦奏遷荊州戶曹參軍湘郢凋弊創夷荒
阻公疏科籍辨井田黎人時雍頌聲載路前長史尚書左
丞元暕後長史吏部尚書崔日用咸加殊禮再以清白陞
進召至闕下兵部尚書代國公郭元振刑部尚書耿國公
趙昭以公有宏算遠圖可以折衝禦侮俱奏參戎旅兼攝
監察御史軍還即真自殿中三命至侍御史舉直錯枉蠲
苛糾慝不爲利回不爲義疚除兵部員外郎遷郎中加朝

散大夫夏官之任司馬之法公能革之公能折之詰禁制
軍於是乎在故爲國相梁公深所嗟賞焉天子方急鉛銅
之貲息役簡賦勦萑蒲之聚通商惠工以弊兼此郡故命
公爲守也原隰旣平天監在下厥繇克紹帝曰休哉南至
衡山勅公總察對揚嘉命疇敢不祗迺紆軫夷以煩掃地
更作沉潛剛克強固柔順言稽典謨動踐規範懼國賦不
給故公爲之薄斂於是乎戶忘流迸懼年穀不登故公爲
之發倉於是乎郡無餒絕懼人之乏困故公爲之已責於
是乎境實保寧懼天災流行故公爲之禮神於是乎時無

淫孽毗之惇獨恤之慈也士之賢行旌之禮也邦之庠塾
廣之學也里之喪祭遵之訓也人之稼穡勸之時也吏之
斂攘致之辟也訟之疑怨申之理也俗之奢僭約之儉也
獄之小大必以情也物之洪纖罔不綜也然後命錄事參
軍宋重茂宣城令長孫勗務三時保四封濬溝洫修城郭
以尉杜暄副焉茂也業尚夷素識資端慤司舉多則臨人
以莊勗也正實自躬化能周物忠信之長慈惠之師暄也
淳裕敦質貞才粹理兼主簿劉元察尉崔愔等咸欽率訓
矩經之營之慮事以度功縮板以載作呈土物計徒庸揣

高卑司啟閉審曲面勢上棟下宇築之登登約之閣閣庶
高門有閑修衢如砥故鞠躬以從禮擊柝以防暴豈魯國
之不時寧吳閭之能擬閹茂歲太衝日公將伏奏洛師郡
人前華容令吳元暉無錫尉奚山松等數百人比肩接踵
或泣或歌同揚言曰公之鎮也化盈弊壞事謀先達止盜
賊張敞之牧冀州舉閉縱賈逵之牧豫州勸種殖李恂之
牧兗州棄託書趙炎之牧青州躬節儉胡質之牧荊州問
疾苦郭細侯之牧并州雨隨車百里嵩之牧徐州公兼茲
懿業棄我而歸載馳載驅靡瞻靡依甘棠勿翦高門巍巍

刻頌於石紀公之徽頌曰

眊旣庶吏勿率帝曰俞公是恤君子慰小人慄賢才陞凶
悍黜徽績亮謨猷秩禁令施恩化溢建城市平街術役以
時揆以日材式慮功難逸牆靡茨門距葦引還旆戒仁驛
嘻我公恍而失思厥聲之允嗣庶耿光之可述

請抑損外戚權寵并乞佐外郡表

臣平一言臣緣修起居注太史監每季有牒臣伏見從去
歲已來屢有災異熒惑入羽林太白再經天太陽虧月犯
大角臣伏按舊史文志咸非休吉之感或爲咎徵之兆臣

聞災不妄生變不虛設象見於上人應於下其理昭彰有
如影響陛下嗣膺鴻業夤畏上元故皇天不言以災眚譴
誠詩曰敬天之怒不敢驅馳又曰惟此文王小心翼翼昭
事上帝聿懷多福臣伏見陛下孝愛因心敦崇戚族澤濡
后氏恩洽外家位以慈周榮因惠假臣當宗親階越三等
家有數侯旣忝國姻復叨枝屬朱輪華轂金榜瑤簪過東
漢之梁鄧邁西京之許史光耀焜煌古今所絕誠陛下睦
於親寵降於慈貸誠未息譏諷深近囂黷恩彌崇而議彌
積位逾厚而釁逾擁臣又聞月滿必虧日盈則蝕春秋有

交謝之

律有輪環之次時不再來榮難久藉昔公淳

之後藩

王室多難先聖考運從權時居寶厯臣諸

房等地惟宗子爵列扞城竊祿疏封屢迴星紀今皇明復

辟聖政惟新自合恭守園廬遙承雨露庇影椒房之末階

親槐里之餘今乃再假寵靈驟貽弊渥姻從日茂爵封如

初但見昇崇無聞損降高班厚位遂超涯極以此或陰氣

陽乾文告變且頃年已來河洛汎溢東都西京俱有水

蓋以陰氣太盛所致昔王家驕貴

上書竇氏專權

鴻進諫臣伏思古來后妃之

自呂霍上官閭董之氏

恩寵過深驕盈僭溢一朝傾覆竟無噍類易曰不遠
又曰鼎折足覆公餗伏願思抑損之宜運之策

安車就第使剖符臨州遠之以機權錫之以閑逸上
加乾乾之惕下全親親之道則肅彰國圖殷鑒後葉臣釁
招酷罰待斃苦壤聖心不棄不穢備官史冊哀緒莫申餘
陰無幾精魂屢竭昭恤末流如將有補明時不矜荒殆伏
乞假名外郡遂禮私庭冀存識爽少訓覲冒臣瞻光視漏
豈復支久旣因災眚誠兼宗國俯揆殘骸退深荒越

請追贈杜審言官表

審言譽鬱中朝文高前列是以升榮粉署擢秀蘭臺往以
微瑕久從遠謫陛下膺圖玉宸下制金匱收賈誼於長沙
返蔡邕於左校審言獲登文館預奉屬車未獻長卿之辭
遽改元瑜之悼臣等積薪增愧焚芝盈感伏乞 朱紱
寵 假飾終之儀舉哀榮之典庶敝帷莫棄墜履無
遺

諫 饗用倡優媒狎書

樂天之和禮地之序禮配地樂應天故音動於心聲形於
物因心哀樂感物應變樂正則風化正樂邪則政教邪先